

- (3) Ukoliko Kabinet nije nadležan za postupanje po dostavljenoj prijavi, dužan je u roku od osam dana od dana prijema prijavu dostaviti nadležnom organu i o istom obavijestiti prijavitelja.

### III - Zaštita prijavitelja korupcije

#### Član 7.

(Zaštita prava podnosioca prijave)

- (1) Prema uposlenom koji ima saznanja o postojanju korupcije ili koji prijavi korupciju u Kabinetu ne smiju se poduzimati bilo kakve štetne radnje koje imaju za cilj odvracanje od prijavljivanja korupcije, odnosno, kažnjavanje zbog izvršenog prijavljivanja korupcije.
- (2) Rukovodilac Kabineta, odnosno, neposredno nadređeni licu koje je prijavilo korupciju dužan je osigurati zaštitu osobnog i profesionalnog integriteta lica koje je prijavilo korupciju u Kabinetu, te osigurati da isti ne smije trpjeti posljedice zbog prijave, niti ga stavljati u nepovoljan položaj u odnosu na druge uposlene u Kabinetu.

### IV - Prijelazne i završne odredbe

#### Član 8.

(Saradnja sa Uredom za borbu protiv korupcije i upravljanjem kvalitetom)

Kabinet će pri sprovođenju aktivnosti sarađivati sa Uredom za borbu protiv korupcije i upravljanje kvalitetom Kantona Sarajevo u svim segmentima neophodnim za dosljednu primjenu i implementaciju Zakona o prevenciji i suzbijanju korupcije u Kantonu Sarajevo.

#### Član 9.

(Transparentnost)

Kabinet će osigurati transparentnost rada vodeći računa o primjeni odredbi Zakona o zaštiti ličnih podataka svih sudionika u implementaciji Zakona o prevenciji i suzbijanju korupcije u Kantonu Sarajevo.

#### Član 10.

(Obaveza upoznavanja sa odredbama Pravilnika)

- (1) Rukovodilac Kabineta dužan je Pravilnik učiniti dostupnim svim uposlenicima u Kabinetu objavom na oglasnoj tabli Kantona Sarajevo i na službenoj stranici Kabineta, po njegovom stupanju na snagu.
- (2) Svi uposleni u Kabinetu dužni su potpisati izjavu o tome da su upoznati sa pravima i obavezama iz ovog Pravilnika, a ista će se priložiti i čuvati u njihovom osobnom dosijeu.

#### Član 11.

(Stupanje na snagu)

Ovaj pravilnik stupa na snagu narednog dana od dana objavljivanja u "Službenim novinama Kantona Sarajevo", a primjenjivaće se od 01.01.2023. godine.

Broj 01-02-41862/22

07. oktobra 2022. godine  
Sarajevo

Šefica kabineta  
**Aida Arap**, s. r.

Na osnovu člana 11. Zakona o državnoj službi u Kantonu Sarajevo ("Službene novine Kantona Sarajevo", broj 31/16 i

45/19), i člana 14. Uredbe o poslovima osnovne djelatnosti iz nadležnosti organa državne službe u Kantonu Sarajevo koje obavljaju državni službenici, uslovima za vršenje tih poslova i ostvarivanju određenih prava iz radnih odnosa ("Službene novine Kantona Sarajevo", broj 39/16 i 10/17), a u vezi sa članom 19. Zakona o slobodi pristupa informacijama u Federaciji BiH ("Službene novine Federacije BiH", br. 32/01, 48/11), šef Kabineta predsjedavajućeg i zamjenika predsjedavajućeg Skupštine Kantona Sarajevo, donosi

### RJEŠENJE

#### IZMJENI RJEŠENJA O ODREĐIVANJU SLUŽBENIKA ZA INFORMISANJE

##### Član 1.

U Rješenju o određivanju službenika za informisanje, broj 01-02-27968-1/19 od 11.09.2019. godine riječi: "stručni savjetnik za opće i finansijske poslove" zamjenjuju se riječima: "stručni saradnik za studijsko-analiitičke poslove".

##### Član 2.

Ostale odredbe Rješenja o određivanju službenika za informisanje ostaju neizmjenjene.

##### Član 3.

Ovo Rješenje stupa na snagu danom donošenja, a objavit će se u "Službenim novinama Kantona Sarajevo".

Broj 01-02-44351/22

27. oktobra 2022. godine  
Sarajevo

Šef Kabineta  
**Aida Arap**, s. r.

### ISPRAVKE

Na osnovu člana 164. Poslovnika Skupštine Kantona Sarajevo ("Službene novine Kantona Sarajevo", broj 41/12 - Drugi novi prečišćeni tekst, br. 15/13, 47/13, 47/15, 48/16, 9/20, 14/20, 16/22 i 17/22 - Ispravka), sekretar Skupštine Kantona Sarajevo, nakon podnesenog prijedloga za ispravku štamparske greške, te savjetovanja sa izvorikom, u Zakonu o prevenciji i suzbijanju korupcije u Kantonu Sarajevo ("Službene novine Kantona Sarajevo", broj 35/22), daje sljedeću

### ISPRAVKU

#### ZAKONA O PREVENCIJI I SUZBIJANJU KORUPCIJE U KANTONU SARAJEVO ("SLUŽBENE NOVINE KANTONA SARAJEVO", BROJ 35/22)

1. U članu 19. stav (8) Zakona o prevenciji i suzbijanju korupcije u Kantonu Sarajevo ("Službene novine Kantona Sarajevo", broj 35/22), umjesto broja "11", treba da stoji broj "12".
2. Ova ispravka se objavljuje u "Službenim novinama Kantona Sarajevo".

Broj 01-02-33069-1/22  
28. oktobra 2022. godine  
Sarajevo

Sekretar  
Skupštine Kantona Sarajevo  
**Aida Zeković**, s. r.